

亥 21

3-145

黃帝內經素問補註釋文

五



黃帝內經素問卷之十八

終四

黃帝內經素問卷之十九

終五

黃帝內經素問卷之二十

終六

黃帝內經素問卷之二十一

終七



黃帝內經素問卷之二十一

黃帝內經素問卷之二十

上海涵芬樓影印正統道藏本

黃帝內經素問卷之十九

黃帝內經素問卷之十八



南京中醫藥大學圖書館版權所有

黃帝內經素問補註釋文卷之十八

終四

唐太僕令啓玄子王冰次註

宋光祿卿直祕閣林億等校正

宋守尚書屯由郎孫兆重改誤

宣明五氣篇

五味所入酸入肝

肝合木而味酸也

辛入肺

肺合金而味辛也

苦入心

心合火而味苦也

鹹入腎

腎合水而味鹹也

甘入脾

脾合土而味甘也○新校正云按太素又

絳四

云淡入胃

是謂五入

新校正云按至真要大論云夫五味入胃

各歸所喜攻酸先入肝苦先入心甘先入

脾辛先入肺鹹先入腎



五氣所病心爲噫

象火炎上烟隨燄出心不受穢故意出之

肺爲欬

象金堅勁扣之有聲邪擊於肺故爲欬也

欬
咳

肝爲語

象木枝條而形支別語宣委曲故出於肝

脾爲吞

象土包容物歸於內翕如皆受故爲吞也

翕
音

腎爲欠爲噫

象水下流上生雲霧氣鬱於胃故欠生焉

太陽之氣和利而滿於心出於鼻則生噫

噫音帝

胃爲氣逆爲噦爲恐

終四

二

以爲水穀之海腎與爲關關閉不利則氣

逆而上行也以包容水穀性喜受寒寒穀

相薄故爲噦也寒盛則噦起熱盛則恐生

何者胃熱則腎氣微弱故爲恐也下文曰

精氣并於腎則恐也

噦呼會切
鳥聲也



大腸小腸爲泄下焦溢爲水

大腸爲傳道之府小腸爲受盛之府受盛之氣既虛傳道之司不禁故爲泄利也下焦爲分注之所氣室不寫則溢而爲水

涉室

栗切

膀胱不利爲癃不約爲遺溺

膀胱爲津液之府水注由之然足三焦脉實約下焦而不通則不得小便足三焦脉虛不約下焦則遺溺也靈樞經曰足三焦者太陽之別也並太陽之正入絡膀胱約

下焦實則閉癃虛則遺溺

膽爲怒

中正決斷無私無偏其性剛決故爲怒也

六節藏象論曰凡十一藏取決於膽也

是謂五病○五精所并精氣并於心則喜

終四

精氣謂火之精氣也肺虛而心精并之則

三

爲喜靈樞經曰喜樂無極則傷魂魄爲肺

神明心火并於肺金也

并於肺則悲

肝虛而肺氣并之則爲悲靈樞經曰悲哀



動中則傷寃寃爲肝神明肺金并於肝木也

并於肝則憂

脾虛而肝氣并之則爲憂靈樞經曰愁憂不解則傷意意爲脾神明肝木并於脾土

并於脾則畏

本經云飢也腎虛而脾氣并之則爲畏畏爲畏懼也靈樞經曰恐懼而不解則傷精精爲腎神明脾土并於腎水也

并於腎則恐



心虛而腎氣并之則爲恐靈樞經曰怵惕思慮則傷神神爲心主明腎水并於心火也怵惕驚懼也此皆正氣不足而勝氣并之乃爲是矣故下文曰

是謂五并虛而相并者也○五藏所惡心惡熱

熱則脉潰濁

肺惡寒肝惡風

肺惡寒者寒則氣留滯肝惡風者風則筋燥急也



脾惡濕

濕則肉痿腫

腎惡燥

燥則精竭涸○新校正云按楊上善云若
今則云肺惡燥今此肺惡寒腎惡燥者燥

終四

四

在於秋寒之始也寒在於冬燥之終也肺
在於秋以肺惡寒之甚故言其終腎在於
冬腎惡不甚故言其始也

是謂五惡○五藏化液心爲汗

泄於皮膚也



肺爲涕肝爲淚

肺爲涕者潤於鼻竅也肝爲淚者注於眼目也

脾爲涎腎爲唾

脾爲涎者溢於脣口也腎爲唾者生於牙

齒也

是謂五液○五味所禁辛走氣氣病無多食

辛

病謂力少不自勝也

鹹走血血病無多食鹹苦走骨骨病無多食



苦

新校正云按皇甫士安云鹹先走腎此云走血者腎合三焦血脉雖屬肝心而為中焦之道故鹹入而走血也苦走心此云走骨者水火相濟骨氣通於心也

終四

五

甘走肉肉病無多食甘酸走筋筋病無多食

酸

是皆為行其氣速故不欲多食多食則病甚故病者無多食也

是謂五禁無令多食

新校正云按太素五禁云肝病禁辛心病
禁鹹脾病禁酸肺病禁苦腎病禁甘名此
爲五裁楊上善云口嗜而飲食之不可多
也必自裁之命曰五裁

五病所發陰病發於骨陽病發於血陰病發

於肉

骨肉陰靜故陽氣從之血脉陽動故陰氣

乘之

陽病發於冬陰病發於夏

夏陽氣盛故陰病發於夏冬陰氣盛故陽

病發於冬各隨其少也

是謂五發○五邪所亂邪入於陽則狂邪入於陰則痺

邪居於陽脉之中則四支熱盛故爲狂邪入於陰脉之內則六經凝泣而不通故爲

痺

泣音澁

搏陽則爲顛疾

邪內搏於陽則脉流薄疾故爲上顛之疾

搏陰則爲瘖

邪內搏於陰則脉不流故令瘖不能言○

新校正云按難經云重陽者狂重陰者癲
巢元方云邪入於陰則爲癲脉經云陰附
陽則狂陽附陰則癲孫思邈云邪入於陽
則爲狂邪入於陰則爲血痺邪入於陽傳
則爲癲瘕邪入於陰傳則爲痛瘡全元起

終四

六

云邪已入陰復傳於陽邪氣盛府藏受邪
使其氣不朝榮氣不復周身邪與正氣相
擊發動爲癲疾邪已入陽陽今復傳於陰
藏府受邪故不能言是勝正也論家之論
不同今具載之